

無而生今之有也能知古初之始始於無始爲道之端緒者
謂之道紀也由是知之此道終不可以情求終不可以智知
也以形名求之了母可得以皦昧察之湛不可分始終不能
窮隨迎莫能見以無御有生化何窮

古之善爲士章第十五

古之善爲士者微妙玄通深不可識夫惟不可識故強爲之容
豫若冬涉川猶若畏四鄰儼若客渙若冰將釋敦兮其若樸曠
兮其若谷渾兮其若濁孰能濁以澄靜之徐清孰能安以久動
之徐生保此道者不欲盈夫惟不盈故能弊不新成

有道之士潛修密行非人所知或有混濁世以鍊其心或有

道藏輯要

道德上經釋辭

六

心集九
六八八

凝神氣以築其基或求侶擇地傲遊湖海或韜光晦迹藏器
待時或縱酒放曠俄而沖舉或祿仕濟世倏而飛仙或積功
累行施符貨藥或潛藏巖穴辟穀煉形倏往倏來隱顯莫測
其迹雖與人同其心則與人異韜光隱耀返情於空人所難
測故云微妙玄通深不可識也其可見者觀聖人之威儀應
事接物之迹耳踐其迹者則知聖人之道不離日用作真修
也觀夫聖人之接物也遇事輒加戒慎而不敢輕發豫豫然
若冬涉川之難斯聖人之慎謹也雖然燕居獨處常存謹畏
而不敢妄爲猶猶然若畏四鄰之竊知斯聖人之慎獨也終
日儼然如對大賓未嘗造次斯聖人之主敬也其心渙然如

春冰融釋斯聖人之無疑也其質淳厚如愚似訥其衷寬大如谷中虛混俗同塵渾渾然與世爲一其迹未嘗不與人同也孰能者勉之之辭也孰能以久濁之水止而澄之徐徐而自清孰能以久動之念安而靜之徐徐復其初也濁可清也非靜久則不得念可息也非性定則不能保此道者惟虛其中空空然不留一物故云不欲盈也是以聖人被褐懷玉外爲狂夫如弊敗之物無新成之可觀此聖人之微妙玄通始終莫能識也列子居鄭圃四十年無人識者是能守弊者也

致虛極章第十六

致虛極守靜篤萬物並作吾以觀其復夫物芸芸各歸其根歸

道藏輯要

道德上經釋辭

七

心集九

根曰靜靜曰復命復命曰常知常曰明不知常妄作凶知常容容乃公公乃王王乃天天乃道道乃久沒身不死

至虛生神至靜生氣故知道從虛靜中出致者造其極也守者設其權也虛至大無際故言極靜猶與動偶故言守靜不篤則動亂隨之此言學者篤於靜默爲本極於致虛爲成故可見自性之原入真實之地觀夫萬物並生於天地間莫不繁秀暢茂其及蒂葉脫落津液歸根故知此道出於虛而還於虛物生於根而復歸於根也萬物歸根乃謂之靜至於靜極陽生物復暢茂謂之復命也竊知老子以虛極靜篤而爲歸根復命之說者蓋其使人疑妄歸真以復其初此復命之